

東

華

錄

東華錄卷之二十一

湘源廬良驥千之父

康熙四十八年正月

上召領侍衛內大臣滿漢大學士尙書等問去年冬朕躬
違和命尔等保奏可爲儲貳者何以獨保允禩其日先舉
者爲誰內大臣巴渾岱奏衆人公同入奏並無首先發言
之人

上口尔等所舉皆同則大可疑矣此必有倡首之人內大
臣坡尔盆尙之隆泰巴渾岱先發言

上曰此事必係舅舅佟國維大學士馬齊默哈爾等謀乃依阿立譏耳馬齊奏是日議其事奉 旨命臣無庸干預是以臣卽避去諸臣所議臣實不知於是復加究問大學士張玉書等奏云是日大學士馬齊先臣到云衆議欲舉允禩後衆人俱舉允禩臣等因亦保奏

上曰此事明係馬齊暗中喻衆馬齊向來謬亂如此大事尙懷私意豈非欲結恩於允禩爲日後恣肆專行計耶尋康親王椿泰等遵旨審鞫擬馬齊立斬上不忍卽誅卽交允禩嚴行管束

上召佟國維與諸大臣並集傳旨詰問曰前因有人爲皇太子條奏朕聞降硃筆諭旨示諭大臣尔曾奏称皇上辦事精明天下人無不知曉斷無錯悞之處此事于聖躬關係甚大若日後易于措處祈速賜睿斷或日後難于措處亦祈賜睿斷總之將原定主意熟慮施行爲善尔係解任之人此事與尔無涉乃身先衆人啟奏是何心哉國維奏曰臣雖以庸愚解任蒙

皇上優厚因聖体違和冀望速愈故奏請速定其事今奉明旨詢問實無詞以對奏入奉

上諭曰將來誠如尔言朕有難于措處自不必言衆人亦將謂尔所奏果是矣若朕無難措處到彼時自知之耳人其可懷私仇而妄言乎明日復

諭曰尔年老之人屢向朕所遣人云每日祝天求佛願皇上萬壽朕思自五帝以至今日尙未及萬載朕何敢侈望及此此皆以荒誕不經之說欺朕朕不信也尔既有所望朕躬易于措處之言嗣後惟篤念朕躬不于諸皇子中結爲党羽謂皆係吾君之子一体看視不有所依附而陷害其餘卽俾朕躬易于措處之要務也二月又

諭曰尔前比易于措處難干措處等語竟似捨命陳奏尔
乃國家大臣榮貴極矣年已老邁子孫甚多若欲捨命則
見朕之病勢漸增卽當親身入內奏云醫生等旣可入內
我又何不可入親身領醫生診看晝夜侍奉湯藥使朕病
得痊方可稱爲實心乃漠不相聞並未嘗念及朕躬朕仍
賴皇太子及諸皇子晝夜侍奉率領醫人診看進藥調理
仰蒙

上天護佑今已痊愈由是觀之尔並非實心乃置身兩可
意謂皇上若獲痊愈我仍沾祿食荷且度日倘有不測則

皇太子將何所往必合我言矣此非尔之本意乎皇太子
允禩前染瘋疾朕爲國家而拘禁之後詳察被人鎖壓之
處將鎖壓之物俱令掘去其事乃明今調理痊愈始行釋
放朕將此情由以曾硃筆書出詳悉諭諸大臣今譬有人
因染瘋狂持刀斫人安可不行拘執若已痊愈亦安可不
行釋放而必欲殺之乎朕拘執皇太子時並無他意殊不
知尔之肆出大言激烈陳奏者係何必也諸大臣之情狀
朕已知之不過碌碌素餐全無知識一聞尔所奏之言眾
皆恐懼欲立允禩爲皇太子而列名保奏矣朕臨御既久

安享太平並無難處之事臣庶託賴朕躬亦各安逸得所
今因尔所奏之言及羣下小人就中捏造言詞所以大臣
侍衛官員等俱終日憂慮若無生路者此事關係甚重亂
臣賊子自古有之今觀衆人情狀果中尔所奏日後難于
指處之言矣尔聞外邊匪類妄言理應禁止尔乃倡造大
言驚駭衆心有是理乎尔既捨命陳奏必有確見其何以
令朕躬及皇太子諸皇子志意安舒不至殷憂亦可明自
陳奏朕特降此旨非欲誅尔也因衆皆憂慮須事明後衆
心乃可定尔當体念朕躬若懷藏私意別有所爲天必降

之國維奏曰臣前所奏之言俱載在檔案今並不推諉累人因大言妄奏皆畏俱列名致貽

聖体及皇太子諸皇子之憂臣罪莫大

皇上雖憐憫不誅臣何顏生斯世所速賜誅戮以示衆奏入復奉

上諭曰朕今特爲安撫羣下降旨申明非欲有所誅戮也尔前啟奏時外間匪類不知其故因甚贊尔云如此方謂之國家大臣不惧死亡收行陳奏尔之情形畢露人將謂尔爲何如人耶洵可恥之極矣朕若誅尔似類沽名今

斷不誅尔其坦懷勿惧但不可卸責于朕躬觀尔迷妄之言其亦被人鎮壓歟以富寧安爲吏部尙書論廷臣曰朕觀部院官員辦事優而又極謹慎如富寧安者未可多得能始終不易則善矣又曰富寧安從武員擢用人皆稱其操守兼善是以授爲吏部尙書今部院中欲求清官甚難當于初爲筆帖式時卽念日後擢用可爲國家大臣自立品行也三月初九日復立允禔爲皇太子遣官祭告封允祉及允祺爲親王允祐允祿爲郡王允禔允禔允禔爲貝子五月戶部議覆廣東巡撫范時崇言廣西全

州隄陽興安三州縣鹽引易銷靈川陽朔義寧三縣鹽引
難銷應撥靈川等三縣額引于全州等三州縣從之 六
戶吏部議覆御史張連條奏一午門前理宜嚴肅乃有閑
雜人奔馳畧無顧忌請飭守門兵弁嚴禁一民間設立香
會男女混雜又或出賣淫詞小說及各種秘藥請飭地方
官嚴禁一地方光棍干瓜菓菜蔬等物亦私立牙行各色
勒指商民請勒查稅課定例一切私設牙行盡數除革從
之 山西撫噶禮言原任工部尙書楊義身故無嗣亦無
同宗應繼之人請將遺產照例入官部議從之其田十七

頃恐估價短少令核實增估

旨楊義曾爲大臣并無過

犯今因其無嗣卽將家產入官竟與罪人無異非待大臣之道此事關係體統着查例再議尋議覆戶絕無嗣家產入官本有定例應照例入官臣等仰體

聖意請于中撥出二百畝爲楊義祭掃之用交伊家人管領從之 七月浙江巡撫黃秉中疏言寧波紹興等處連歲歉收米價騰貴計惟招商可平市價而溫台二府豐收米賤格于出洋之禁請許商民由內洋販運以濟寧紹從之 八月偏沅巡撫趙申喬疏劾提督俞益謨抽取衛協

兵丁食糧至三十五石之多以致營伍空缺

上命益謨回奏益謨旋亦疏劾申喬貪虐苛刻請並解任
質訛命尙書蕭永藻同副都御史王度昭赴楚察審

諭大學士等曰自趙申喬叅命益謨武弁始知敬畏今大
示兵額缺而空名食糧者多所關非細故也尋永藻等以
申喬劾疏皆寔回奏益謨休致申喬還職 十月 冊封

皇三子多羅貝勒允祉爲和碩誠親王皇四子多羅貝勒
爲和碩雍親王皇五子多羅貝勒允禩爲和碩恒親王皇
七子多羅貝勒允祐爲多羅淳郡王皇十子允禔爲多羅

敦郡王皇九子允禔皇十二子允禩皇十四子允禩俱爲
固山貝子 免江南淮揚徐三府十二州縣衛河南歸德
屬六縣山東兗州屬四州縣康熙四十九年地丁銀兩
先是致仕大學士熊賜履遺本內有荐舉伊姪編修熊本
清廉謹飭可用之語

上曰熊賜履人品亦端此語必係虛僞因命查取疏稿並
無其語審係熊本串通家人私行添改應將熊本革職擬
斬秋後處決從之 十一月諭大學等曰適科臣郝林條
奏各省錢糧虧空郝林但知州縣錢糧有虧空之弊而所

以虧空之根源未之知也凡言虧空者或謂官吏侵蝕或謂餽送上司此固事所時有然地方有清正之督撫而屬官員虧空更以則又何說朕听政日久歷事甚多于各州縣虧空根源知之最悉從前各省錢糧除地丁正項外雜項不解京者尚多自三逆變亂以後軍需浩繁遂將一切存留款項盡數解部其留地方者惟俸工等項必不可省之經費又經節次裁減爲數甚少此外則一絲一粒無不陸續解送京師雖有尾欠部中必令起解州縣有司撫纖毫餘剩可以動支因而挪移正項此乃虧空之大根源

也再如正項錢糧二十兩征收未完五百兩者按分數議處其例甚輕若因公挪用五百兩則處分甚重今但責令賠償足額其罪似乎可寬不必深究凡事不可深究者極多卽如州縣一分火耗亦法所不應取尋常交際一二千金亦法所不應受若盡以此法一概繩人則人皆獲罪無所措手足矣且如戶部庫中錢糧歷年存積數雖極清前此庫貯一二千萬時曾令部中逐案盤查轉多二十餘萬卽各倉糧米亦歷年堆積陳陳相因贏餘不少不肯官殺侵盜未嘗無人若行盤查數仍不缺總之定例所在有犯

必懲其中細微不必深究諸事大抵如此現在戶部庫銀存貯五千餘萬時當承平無軍旅之費又無土木工程朕每年經費極其節省此存軍銀兩並無別用去年蠲免錢糧至八百餘萬而所存尙多因思從前恐內帑不足故將外省錢糧盡收入戶部以今觀之未爲盡善天下財賦止有此數在內旣贏則在外必絀凡事須預爲之備若各省庫中的留帑銀似于地方有濟尙在外各省一旦倉卒需用反從京師解出得無有緩不及事之慮此又當于無事之時從長商確者也尔等可將朕此旨一一傳諭九卿

又

諭大學士等曰明季事跡卿等所知往往紙上陳言萬歷以後所用內監曾有在御前服役者故朕知之獨詳正統間事史所載不能明確其在沙漠時嘗生一子今有裔孫現在旗下天啟呼魏忠賢爲老伴凡事委之而已竟不與楊漣左光斗受杖老內監猶有自擊者能具言之陳新甲所議本受指於崇禎及科道交章彈劾崇禎反畏人言而歸咎於陳新甲實非其罪也明季諸帝俱不諳經史流賊將至京營官兵俱分遣至真定保定居庸關等處堵禦其

守城者惟內監數萬人而已賊兵破外羅城由西便門入將攻阜城門崇禎率內監數人微行至襄城伯家其家方閉門演戲呼之不得入回登萬壽山四顧無策猶欲出奔太監王承恩止之曰出恐受辱於賊崇禎乃止以身殉國明朝費用甚奢興作亦廣其宮中脂粉錢四十萬兩供應銀數百萬兩至

世祖章皇帝登極始悉除之紫禁城內砌地磚橫豎七層一切工作俱派民間宮女九千人內監至十萬人飯食恒不能遍及日有餓死者今則宮中不過四五百人而已明

季宮中用馬口柴紅螺炭日以數千萬斤計俱取諸昌平等川縣今此柴僅天壇焚燎用之尔等亦知馬口柴胡其柴約長三四尺淨白無點黑兩端刻兩口故謂之馬口柴又明季所行多迂濶可笑之事建極殿後階石高厚數丈方整一塊其費不貲採買搬運至京不能舁入午門運石太監叅奏此石不肯入午門乃命將石細打六十御棍梟頑嘗學乘馬兩人執轡兩人捧鐙兩人扶鞦甫乘輒已墜馬乃命責馬四十發往苦驛當差馬猶有知識石則何所知乎如此舉動豈不令人發一大噱總由生於深宮之中

長於阿保之手不知人情物理故也

康熙四十九年正月先是諭禮部蟒式舞者乃滿洲筵宴大禮至隆重歡慶之盛典向來皆諸王大臣行之今歲

皇太后七旬大慶朕亦五十有七欲親舞稱觴壬午進宴上近前起舞進爵 四月九卿等遵旨議覆僉都御史屠沂條奏節儉事

上諭曰禁止奢僭而崇尚節儉極當於理朕近查宮中人數

皇太后宮中及朕所居正宮不過數百人較明代減省多

矣先是光祿供應官申用度每年用銀七十萬兩有餘朕
節次節省一年止需銀七萬兩理藩院向來每年賞賜供
應外藩賓客用銀八十萬兩今裁減浮費一年止需八萬
兩戶工兩部前此所用過多今十日一次奏聞用過數日
已極少矣朕因臣民僭妄前屢有禁約今若又行禁約徒
有法令繁滋而已究無補於實事也着將原疏發還
八月奉天將軍嵩祝疏報錦州離城百二十里双島有賊船
十停泊又二百餘人樹旗二湖嘴哨上施放鎗砲城守尉
馬哈達等帶領哨兵屯丁分兩路截賊歸路賊衆爭路上

船我兵追擊殺死三十餘名獲船一并牌刀鎗砲等物生擒賊船水手上遇机正法得 旨嘉獎陞賞在事官兵有差 兩廣總督郭世隆疏劾祭告南嶽之翰林院侍讀學士陳壯履繞道嘉魚滋擾駟站得 旨降陳壯履爲編修署閩浙總督黃秉中同提督王世臣疏報盜劫龍游縣村莊爲官兵追逐逃至遂昌縣山中處州右營都司張朝臣率兵搜勦遇盜六七十人抗拒以槍刺腹死隨有金衢兩協官兵齊至捕盜斬殺殆盡疏下兵部議部臣言盜夥六七十人非尋常盜案可比且都司已槍刺殞命而兵無

一損傷頗有隱報情弊

上命遣部院賢能司官一員往會巡撫將軍副都統至都司張朝臣陣亡處詳察情由議奏于是兵部郎中察爾欽等會勘奏言隨張朝臣之兵丁張斌同時陣亡潘文彩傷重致死並有烏鎗兵五人因失火藥發焚死部議張朝臣張斌潘文彩子卹如例疎防及救援不力隱匿不報各官治罪有差 十月

諭戶部自明年始于三年以內將天下錢糧通免一週直隸奉天浙江福建廣東廣西四川雲南貴州所屬除漕項

錢糧外康熙五十年應征地畝銀共七百三十二萬六千一百兩有奇應征人丁銀共一百一十五萬一千兩有奇俱著察明全免并歷年舊欠共一百一十八萬五千四百兩有奇亦俱著免征其五十一年五十二年應蠲免分至期另候旨行 戊子

諭大學士九卿等曰前命張鵬翮察審江南虧空曾諭尔等查議已查明否大學士等奏曰臣等尙未商酌

上曰此道虧空據称因公挪用畢竟係何公事鵬翮奏曰大概如賑濟平糶以及修塘等事

上曰朕總理幾務垂五十年凡臣下情隱無不灼知朕屢次南巡地方官預備緯夫修理橋樑開濬河道想皆借用帑銀原冀陸續補足而三次南巡爲期相隔不遠且值蠲免荒災所征錢糧爲數又少填補不及遂致虧空如此之多尔等皆知之而不敢言也鵬翮曰

皇上屢次南巡必大沛恩膏于百姓至于一切供億悉由內府儲備並無絲毫累及民間

上曰卽如緯夫一項需用旣多伺候日久安得無費至十修造行宮亦必借用帑銀後方抵補尔等豈肯明言其故

平今合計江南虧空有幾何鵬翮曰約計共五十餘萬千
準宜思恭應貽十六萬其餘將俸工抵補至康熙五十三
年可補足矣

上曰三年之內地方官員或陞或調或革或故前各官挪
用虧空而將後來者之俸扣補于理不順朕心實爲不忍
至于胥吏賤役若不給予工食何所資生勢必致于累民
今部中每遇一事輒議令地方官設法料理皆假飾美名
而實則加派于地方也鵬翮曰

皇上聖明無微不照所以養育百姓者至深且渥

上曰朕非但爲百姓亦爲大小諸臣保全身家性命也錢根冊籍皆有可考地方官借因公挪用之名盈千累百餽送于人若加嚴訊憶情無不畢露朕意概從寬典不更深求今國用充足朕躬行節儉今卽因數次巡幸用錢糧四五十萬亦不爲過明年天下錢糧以次盡行蠲免若留此虧空之項以爲官民之累非朕寬仁愛養嘉子維新之至意尔等詳議具奏 十一月給事中高遐昌言凡遇蠲免錢糧之年請將佃戶田租亦酌量蠲免著爲例

上諭曰蠲免但及業主而佃戶不得沾恩伊等田租亦應

夏... 第二十一
稍減但山東江南田畝多今佃戶耕種半種皆出自業主
若免租過多又虧業主必均平無偏乃爲有益 尋戶部
議業主蠲免十分之七佃戶十分之三永著爲例 十二
月內陞偏沅巡撫趙申喬左都御史

諭曰趙申喬任偏沅時甚清廉但有性氣人皆畏其口直
當與俞益謨互相訐叅時亦有以趙申喬爲非者朕細加
察訪卽彼所轄文武及陝西人良心不昧俱言益謨之非
無有言趙申喬爲不是者清官固所當惜其言之不可行
者朕亦不行雖所言未當而並無私見凡事皆實心辦理

朕是以護惜之 鎮海將軍馬三奇奉 旨會緝海賊鄭
盡心黨與令遊擊楊長春帥兵船出洋搜捕長春由吳淞
出口歷內外洋及江南浙江接壤之盡山花鳥等處抵浙
省定海于衢山丹山間獲賊船三賊匪鄭茂余國梁等五
十餘三奇以長春于陸路水性皆諳練奏請授中軍副將
送部引見上親詢出海緝賊情形特允所請 兩江總督
噶禮疏請每年遣兵駐馬跡山諸處邏海洋盜賊其浙江
大衢山亦請遣兵駐守並令浙江官兵每月會巡海島下
兵部議應如所請得

旨前者捕獲洋盜皆係住居內地人民並未盤踞島嶼盡
山花鳥山諸島原無海港可以納船今欲遣兵屯駐大岸
之中徒勞兵力且恐滋擾地方文武職官惟撫綏內地使
奸民不得出洋行劫則民生自然安戢此奏無益不必行
康熙五十年正月

上巡視通州河堤 二月初九日自和韶屯乘舟閱河至
河西務登岸

上諭監修河工主事牛鈕曰挖河不碍村路方善因步行
指示又諭巡撫趙宏燮曰丈量田地不可不知天下隱匿

田地不少但不可搜剔耳夫算法之理皆出自易經卽西洋算法亦善原係中國算法彼稱爲阿尔珠巴尔者傳自東方之謂也凡推算七九之奇數不能盡悉十二者二十四之偶數方能盡之此皆體象十二時二十四氣也 奉天將軍嵩祝言奉天所屬金州鉄山距山東所屬隍城島僅半日程請令山東防海水師官兵巡哨金州鉄山俾海邊賊匪無所容身又請揀選盛京滿洲兵一千教習烏鎗爲火器營俱下部議從之 三月間督范時崇緝獲在洋肆劫海賊鄭盡心解京正法

上諭大學士等曰督撫大吏辦事當于大者体者不可刻
意苛求寬則得衆信則民任焉治天下之道以寬爲本若
吹毛求疵天下人安得全無過失趙申喬撫浙時民多怨
之後撫河南大小官員無不被叅豈有一省之內無一好
官耶總之爲大臣者不可輕率叅人 羣臣請上尊號不
許偏沅巡撫潘宗洛陛辭

上諭曰凡爲督撫者操守甚爲緊要尔宜潔己爲下屬表
率今天下太平無事以不生事爲貴興一利卽生一弊古
人云多一事不如少一事職此意也馭下宜寬不宜刻寬

則得衆為大吏者若偏執已見過于苛求則下屬何以克
常 五月

上駐蹕熱河行宮 諭大學士等曰天上度數俱與地之
寬大脗合以周尺算之天上一度卽有地下二百五十里
以今時尺算之天上一度卽有地下二百里古來繪輿圖
者俱不依照天上度數以推地里遠近故多差誤朕前持
差能算善畫之人將東北一帶山川地理俱照天上度數
推算詳加圖繪視之混同江白長白山後流出由船廠打
旺鳥喇向東北流會于黑龍江入海此皆中國地方鴨綠

江自長白山東南流出向西南而往由鳳凰城朝鮮國義州兩間流入于海鴨綠江之西北俱係中國地方江之東南係朝鮮地方以江爲界土門江自長白山東邊流出東南入海土門江西南屬朝鮮東北屬中國亦以江爲界但鴨綠土門二江之間知之不明前遣部員往鳳凰城會審曾密諭乘此便至極盡處將邊界查明來奏想伊等已由彼起乘前往矣 又

諭戶部江蘇巡撫張伯行奏江蘇等府州縣無著錢糧十萬八千有奇此項錢糧朕知之甚悉係地方官因公動用

未敢聲明之項若着落後任官員賠補必致苛派擾害百姓朕實不忍着將此項錢糧免其賠補以示朕軫恤官民至意 六月

諭大學士等曰聞福建百姓聚衆數千在泉州所屬地方搶奪食物奔入山中提督藍理率兵三路進剿一路兵少爲之挫折此事督撫提督俱未奏聞將軍祖良璧雖奏亦不明白朕乃得之傳聞者其盜賊各處所貼揭帖朕亦得知內稱皇上以我等合省老幼如同赤子恩養屢次蠲免錢糧又截漕由海運而至但地方官員將皇上恩典不曾

施及百姓故我等窮民不得已而爲此若各處富戶不將米石糶賣我等必行搶奪等語去年朕一聞福建飢荒卽命截漕三十萬石賑濟差去大臣及地方官以三十萬石太多因存留十五萬石想此米俱散兵丁未必能及百姓所以無甚裨益若果截留三十萬石米運去于地方大有益也伊等原非賊盜因歲歉乏食迫于不得已耳若卽出兵征勦未免又生一事朕意遣大臣侍衛往行招安卽可平服則人民不傷亦不致有害地方着九卿詹事科道等議奏

福建巡撫黃秉中同總督范時崇提督藍理以泉

州盜陳顯五等結夥二千餘人搶掠永春德化漳平大田等縣居民事疏入奉

上諭督撫提鎮等平時不能撫卹百姓訓練兵丁及事出又不能相機卽行勦撫縱容盜賊滋蔓騷擾地方肆行劫奪又遲延日久始行奏聞反稱百姓不廢耕織照常安業凡強盜竊盜合夥至三四十人百姓尙且畏懼逃避今數逾二千豈得謂百姓不廢耕織安居舊業乎明係飾詞妄奏下部嚴察部議治罪並降有差 七月山東民班漢傑赴京控告山西太原流匪陳四聚衆搶劫事下刑部察審

尋議檔案証佐俱在湖廣河南請以陳四與班漢傑發交
各督撫會同審擬其餘党六十餘人又援 恩旨釋放獄
囚之例發回山西原籍取保安插

上以部臣草率議覆溺職負恩且嚴諭刑部事件發弛皆
尙書齊世武及卞永豐所致傳旨申飭交部再議陳四論
斬餘党發黑龍江爲奴 八月漕運總督赫壽疏言江西
湖廣兩省漕糧給軍副米經御史王謙吉條奏應如河南
浙江兩省例部議令臣會同各督撫定議按舊制江西湖
廣浙江正兌漕米每石加耗米四斗改兌漕米每石加耗

米自四斗遞減至二斗二升不等以爲運丁盤淺起剝蒸折晒曬之費皆因程途有遠近所以征給有多寡因地制宜軍民相安已久未可輕事更張從之又疏江浙漕船抵通積年掛欠甚多皆由水次出兌時以銀折米運丁沿途旣乏副米輒侵用正米致抵通交倉虧缺宜于兌米水次令監兌官坐守糧道親履稽察務須正耗行月并搭運各米概行兌足上船如有折銀情弊州縣官照私自改折漕糧例革職仍追米歸還失察之監兌官及糧道分別議處又江南省糧船二千五百餘浙江省糧船一千三百餘前

後開行扣去千有餘里每省派通判一員首尾不能兼管
請嗣後江南派七員浙江派三員押船抵通以無掛欠分
別加級降級積至三次實陞實降其兌次開行時卽令監
兌官督押抵淮如在淮盤驗短少懲責旂丁留其子弟一
人令于產米處購買足數僱船趕交押運官如仍短少將
監兌官提叅其押運千總定例每帮二員論押實止一員
領運或有事故勢必以一員領兩帮恐難兼顧請揀發在
部候選千總三四丁員遇缺派署向來千總押運全完例
止加銜偶有掛欠卽行革職人心未免墮阻嗣後有押運

積年掛欠之帮而一運全完押運其次掛欠之帮而三運全完押運舊無掛欠之帮而五運全完者請予卽陞其駕運旂丁向來每船開報一名或掛欠留通進此則回空無正丁請嗣後每船于本丁兄弟子姪內增報副丁分十船正副丁連環保結能舉首盜乾盜賣等弊者酌量給賞如隱匿不舉一丁治罪九丁責懲其旂丁向由衛守備報充嗣後應令千總先舉保結加以府所等官察驗方准允當其糧船過淮本定限三月以內而從前並無按限過淮者或遲至六月致回空守凍一年阻滯年年遲延請嗣後違

限一二月者仍照例處分二月上者計日不計月分別

議處疏下戶部會同九卿詹事科道等官議皆如所請行

上諭大學士等頃梁世勳

廣西巡撫調安徽

題請復熱審減刑等

例朕發政施仁務以真誠爲尚倘博取虛名不時遣官恤刑將督撫審擬案件頻飭堂司官分行駁改則貽累于兵民官駟靡費于迎送餽遺互許多端不知作何底止督撫首在敦厚風俗不時訓飭有司速結案件雖不熱審亦無所害又諭曰太平之時不宜屢赦若將不應宥之人宥之則奸徒逞欲怙惡不悛矣 十月以山西太原流匪陳四

等六十餘人携婦女數十乘馬驟由河北往湖南貴州詭
稱赴雲南開墾索取州縣口糧劫掠商賈財物刑部尙書
郭世隆前任湖廣總督不卽察究縱容滋蔓革職 免山
西河南陝西甘肅湖北各省五十一年應征地畝銀共八
百四十萬四千兩有奇人丁銀共一百二十萬八千一百
兩有奇並歷年舊欠共五十四萬一千三百兩有奇 都
察院左都御史趙申喬疏叅編修戴名世妄竊文名恃才
放蕩前爲諸生時私刻文集肆口游談倒置是非語多狂
悖今膺恩遇叨列魏科猶不追悔前非焚削書板似此狂

誕之徒其容濫側清華 旨該部嚴察審明具奏 江蘇

巡撫張伯行疏言今歲江南文闈放榜發後議論紛紛於
九月二十四日有數百人抬擁財神直入學宮口稱科場
不公相應題明 旨嚴察具奏 十一月傳問九卿編修
楊緒爲人何如九卿奏楊緒爲人不端

上命革職交地方官嚴禁 尋九卿又舉侍講錢名世修
撰王式丹編修賈國維賈兆鳳四人行止不端聲名不好
俱奉

旨革職 禮部奏康熙五十年湖廣鄉試少中舉人十名

應將提調監臨正副考官降級尋議各官降級有差 十
二月趙申喬疏言道省寺廟眾多易藏奸匪請敕禁增建
從之

東華錄卷之二十一終

東華錄卷之二十二

湘源蔣良騏

康熙五十一年正月刑部等題察審戴名世所著南山集
子遺錄內有大逆等語應卽行凌遲已故方孝標所著滇
黔紀聞亦有大逆等語應判其屍骸汪灝方苞爲名世作
序俱應立斬方正玉尤雲鶚聞拿自首應發往寧古塔安
插編修劉巖雖不曾作序然不將書首出亦應革職初
噶禮之蒞兩江總督任也歷疏劾罷江蘇巡撫于準布政
使宜思泰按察使焦映漢督糧道賈模知府陳鵬年等及

巡撫張伯行抵江蘇任復以事忤噶禮于是伯行發辛卯科場不公事正主考副都御史左必蕃亦檢舉知縣王曰俞方名所荐之吳沁程光奎二名平日不通文理

上命尙書張鵬翮赴揚州會同噶禮及張伯行察審至是伯行疏劾噶禮曰督臣噶禮自履任後所轄兩省文武屬官逢迎趨附者雖穢跡昭彰亦可包荒藏垢守正不阿者雖廉聲素著難免吹毛索疵此久在睿照之中無庸臣再爲瀆贅最可異者今科鄉試盛傳總督通同監臨提調攬賣舉人迨後取中不公正主考在內謄疏中有或發督臣

嚴審語又風聞總督要銀五十萬兩保全伊等無事及揚
州會審既得副主考趙晉與程光奎交通關節實情旋得
安徽布政使馬逸姿書役家人爲吳沁行賄供証督臣震
怒輒令夾脛籍口臣謂此或是實話當細加研究若動氣
不許說將許其說假話耶督臣始令鬆夾卽停審散去自
有制科以來從未聞賄賂公行濫觴名器如是科之甚者
督臣駐劄省城素矜明察豈得委爲不如曾向尙書張鵬
翮云今科舉人一大半是買的說是副主考賣的似已知
之最詳且確而不卽據實入告則督臣必有不敢明言之

隱其弊不獨在副主考明矣奉旨徹底詳察而必不肯詳
察奉旨嚴加審明而必不欲審明其前之通同監臨提調
攬買舉人後之要銀五十萬兩保全無事非無稽之論矣
况監生鄉試例由學臣錄科送試以防頂替乃程光奎以
兩淮巨商頂冒蘇州府籍逕由督臣大收送入鄉場其營
私壞法更彰明較著矣以通同作弊之人同爲奉

旨察審之人真情何由得出故自督臣震怒之後要犯未
提一名確供未得一句尙書張鵬翮因其子張懋誠現任
懷寧縣知縣係安徽所屬總督得挾制之恐遭陷害亦不

能不瞻顧掣肘督臣竟忍負

皇上隆恩擅作威福賣官賣法復賣舉人可謂惡貫滿盈貪殘暴橫難逃

聖明洞鑒豈容久流毒害祇緣權勢赫奕莫敢撓其鋒以賈禍仰祈 勅令解任一併發審俾舞弊之人失所憑借承審之官亦無瞻顧庶真情得出國法得伸矣噶札亦疏劾張伯行曰撫臣張伯行前冬泊船上海港內止臣不必出洋恨臣不從遷怒于爲臣僱募舵工之船埠陷以通賊牽連監斃其違 旨逗遛挾私斃命罪一也上海知縣許

士貞誣良爲盜伯行因與同窓好友始終袒護淹禁無辜
久不省釋罪二也臣嚴飭所屬力行保甲稽察匪類伯行
與陳鵬年揚言臣查富戶竟寢不行以致盜賊充斥鎮江
府同知施世驊緝獲盜首伯行陰囑陳鵬年不行究贓致
斃在獄反叅施世驊誣良其縱盜殃民罪三也蘇松道臧
大受所屬被盜七案皆捏稱大受由公出境冀免處分其
徇私作弊罪四也蘇松糧船遲悞奉 旨明白回奏伯行
飾詞欺誑罪五也刑部行提戴名世案內作南山集序之
進士方苞向係伯行好友竟不差一官一役提拿且南山

集刻板方苞收藏蘇州書肆印行三千餘部伯行豈得諱
口不知乃並不追問其背恩黨罪六也命盜案件蘇松等
處最繁伯行專以賣書著書爲事性多猜忌心更糊塗濶
行翻駁不能清理兼之濫准詞狀拖累株連屢奉 嚴諭
申飭恬不知改其違 旨病民罪亡也更可怪者科場作
弊奉 旨會審臣聞口一問案犯伯行輒謂不該如此大
聲又謂不該如此審問臣恐較論失牾因而緘口結舌幾
及四旬乃伯行遂陰謀誣陷以私賣舉人得銀五十萬兩
汚臣名節臣實難與俱生果有絲毫情弊當卽伏斧鑕如

伯行不能指出一說事過付見証則逞奸誣陷亦難逃國法也

上覽張伯行及噶札疏並命解任下張鵬翮會同總漕赫壽查審尋以考官趙普王曰俞方名與吳心程光奎交通閉節夤緣賄賣論罪如律噶札劾張伯行不能清理案件是實餘皆督撫會銜題咨舊事方苞由張伯行遣員解部南山集刻板在江寧起出均免議張伯行妄奏噶札攬賣舉人應革職贖徒 上切責張鵬翮赫壽掩飾和解贖定擬遣尙書穆和倫張廷樞前往再讞下部覆核如所擬定議得

旨噶禮雖才具有餘辦事敏鍊而性喜生事未聞有清正之名其互叅之案皆起于私隙聽信人言所致誠爲可恥且噶禮屢次具摺叅張伯行朕以張伯行操守爲天下第一斷不可叅手批不准諭旨現在此議是非顛倒下九卿詹事科道會同議奏復諭九卿等曰噶禮操守朕不能信若無張伯行則江南地方必受其戕削一半矣卽如陳鵬年稍有聲譽噶禮久欲害之曾將其虎邱詩二首奏稱內有悖謬語朕閱其詩並無干碍又曾叅中軍副將李麟騎射俱劣李麟在口內迎駕朕試彼騎射俱好若令噶禮

與之比試定不能及朕于是時已心疑噶禮矣互叅一案
初次遣官往審爲噶禮所制不能審出及再遣大臣往審
與前無異爾等諸臣皆能體朕保全清宮之意使正人無
疑懼則海宇長享升平之福矣尋九卿等議噶禮張伯行
並任封疆不思和衷集事互相訐叅玷大臣職均應革任
上命張伯行仍留原任噶禮依議革職

二月奉

上諭朕覽各省編查人丁數目并未將加增之數盡行開
報應令直省督撫將現今錢糧冊內有名丁數勿增勿減

永爲定額其自後所生人丁不必征收錢糧編查時止將
增出實數審明另造清冊題報朕欲知人丁之實數不在
加增錢糧也 三月直隸巡撫趙宏燮奏前任福建巡撫
黃秉中因在浙江巡撫任內不効奏糧道陳鑒改折漕糧
事革任罰賠奉 命于子牙河分司効力三年令自備工
料修防隄岸俱各穩固下部議叙給還原品 增雲南貴
州廣西進士各一名從都御史趙申喬請也一四月禮部
題嗣後會試不必預定額數亦不必編南北字號并分官
字號名色請按省編字號印于卷面以便分別取中其滿

洲蒙古漢軍卷面亦如各省另列編字號俱令知貢舉合算進場舉人實數臨期具題恭請

皇上酌量分省大小人數多寡定額取中從之 九月諭

諸皇子太皇太子允禩自復立以來狂疾未除大失人心着拘執看守 十月朔 御筆硃書允禩行事乖戾斷非

能改仍行廢斥禁錮旋禁錮咸安宮遣官祭告頒詔天下

免江南安徽山東江西四省地畝銀共八百八十二萬

九千六百四十四兩有奇人丁銀共一百三萬五千三百

二十五兩有奇並舊欠銀二百四十八萬三千八百二十

八兩有奇總共免天下地畝人丁新征舊欠共銀三千三百六萬四千六百九十七兩零十一月諸臣請上尊號不許

康熙五十二年正月九卿議覆江南科場賄通開節之副考官編修趙普改斬立決呈薦吳沁試卷之同考官句容知縣王曰俞亦改斬立決賞綠中式之吳沁及說事通賄之俞繼祖等照原擬絞監候呈荐程光奎試卷之山陽知縣方名改斬決程光奎在貢院埋藏文字照擬絞倩代中式之徐宗軾夾帶中式之席玕照擬枷責正考官副都御

吏左必蕃失察應革職从之又福建賄通開節同考官吳肇中斬決中式王陽三通賄林英絞監候正副考官失察革職从之

左都御史趙申喬奏請冊立太子

上以建儲關係甚重未可輕定召集諸大臣明諭之
二月

上諭朕昨問投誠海賊程尙義伊等出洋行劫遇西洋船惧其火器不敢逼近惟東洋商船則掠其銀米亦不盡此以此商船仍往來不絕中國與西洋地方俱在赤道北四

十度內海洋行船中國人多論更次西洋人多論度數自
彼國南行八十度至大狼山始復北行入廣東界常六閱
月在海中不見一山又自西洋至中國有陸路可通因隔
鄂羅斯諸國行人不便故皆從水路而行鄂羅斯距京都
約萬二千里西洋及土兒虎特地方皆與鄂羅斯接界鄂
羅斯倚土兒虎特馬匹土兒虎特用鄂羅斯皮張往年鄂
羅斯與雪西洋戰士兒虎特助之大敗雪西洋又回子溫
都斯坦布海兒夜兒根等處產棉製甲四十層可敵浙江
棉八十層曾以鳥鎗試驗知之又過哈密六百里有吐魯

番去雪山百餘里其人晝伏至夜始出耕種其地甚熱而多石日出時耕種輒然熱死又哈薩克卽古陽關地其人性好鬪常結隊以殺擄爲事人心亦濟若婦女被人擄去其婦女必乘間手及其人而回此地亦熱草極肥盛馬豕汗血所產蘋菜葡萄梨等物皆大而美又西北回子種類極多皆元大祖後裔又有一支在小西洋約十萬人皆住帳房惟北極下爲最寒往時曾有人築室而居明年人往視之其人已無復存者但見林間雪深數丈而已昔人云北海有積冰數百丈向以爲荒誕以此觀之信不誣也總

之西北地方極大其風土亦各不同朕曾詳悉訪問是以周知也 刑部等會議順天鄉試中式第一名查爲仁之父查日昌倩人爲伊子代筆賄買書辦傳遞文章事發又脫逃被獲應斬監候代作文舉人邵坡應革去舉人杖徒從之後查氏父又順天鄉試中式之周啟係原任步軍統領托合齊家人周三之子倩代作弊事發 旨周三周啟身係奴僕輒敢肆行賄賂紊亂科場大典俱着卽行處斬禮部尙書陳詵以祈雨後不報會否霑足及題奏稽遲革職命留任 刑部審擬戴名世一案請旨

上諭戴名世寬免凌遲着卽處斬方登嶧方雲旅方世標俱免死並妻子發黑龍江此案干連人犯俱免罪入旂

二月

上萬壽節行慶賀禮頒恩詔恩欸四十五條 宴直隸各

直省漢大臣官員士庶九十以下六十以上者千楊春園

八旂滿洲蒙古漢軍皆預宴 四月左都御史趙申橋奏

京城農忙之時請停訟

上曰農忙停訟之言聽之似乎有理細思實無裨益不允
五月閩督范時崇疏言台灣屬三縣年征稻米十三萬

八千餘石除折入各營兵米外減餘七萬石現有六十六萬三千餘石貯已十年易致紅朽請將新收者勻留二十萬石備三年兵米之用其四十六萬餘石出糶給台灣俸餉從之 川陝總督殷泰以病乞解任

上嘉其清潔自持今在任調治久而未愈乃以湖廣總督鄂海調補川陝而授湖廣提督額稜特爲湖廣總督謝大學士等曰額稜特殷泰皆朕特用之人也初用時人不知其善後乃稱朕有知人之明時江蘇巡撫張伯行亦以廉潔著

上諭廷臣曰天下督撫惟額稜特與張伯行操守最優耳
旋奉命與戶部郎中幹琿泰等履勘湖南諸州縣廢壤四
萬六千一百餘頃額稜特疏請聽民懇闢酌于六年後升
科以下則下部議行 閏五月禮部題兵部侍郎宋駿業
詹事史夔身故應請照例賜卹

上諭曰漢人中史夔宋大業宋駿業張志棟皆甚無恥宋
駿業以能畫在內廷行走乃一陰險小人專事結黨而學
問不及朕知而遠之姑念內庭効力給與半華史夔著行
停止 江蘇巡撫張伯行疏薦福建布政使李發甲台灣

道陳璘前祭酒余正健堪任江蘇布政使疏至 旨已擢
用年欽元下部知之 八月閩浙總督范時崇疏言閩省
福興泉彰四府一年兩熟本年興彰早禾豐稔福州歉薄
晚稻則興泉雨未沾足福州得雨更遲恐來歲青黃不接
時民食可慮請于江浙運米內撥給收貯米貴平糶得
旨江南運米內速將五萬石運至福建米到日卽行平糶
毋至浥爛

康熙五十三年二月刑部覆江蘇巡撫張伯行疏稱審擬
斬決江南鄉試賄通關節之副考官編修趙晉畏罪自縊

身死一案應將揚州府知府趙宏煜等議處尋伯行言屍
圖與趙普狀貌不符生死難明將趙宏煜革職嚴審 九
卿等奉

旨議修譔編修檢討庶吉士教習進士並科道官員除丁
憂終養外有告病回籍者悉令致仕從之 三月原任戶
部尚書王鴻緒進所譔明史列傳二百八十卷命交明史
館 閩浙總督范時崇陛見瀕行

上賜御製詩有棟樑祖幹家聲重蘭桂孫枝令譽清之句
序云閩浙總督范時崇陛見來京朕每念伊祖爲開創宰

輔伊父乃忠義名臣所以待之優重今因回任特書御詩
餞送 左都御史揆叙疏言近聞各省提塘及刷寫報文
者除科抄外將大小事件採聽寫錄名曰小報任意捏造
駭人耳目請嚴行禁止庶好事不端之人有所畏懼下部
議行 四月原任兩江總督噶禮之母叩閭稱噶禮與弟
色勒奇子幹都置毒食物中謀害伊命噶禮妻以別戶子
幹泰爲已子縱令糾衆毀屋噶禮攜資財與伊子移居河
西奸詐兇惡請正典刑下刑部鞠訊得實以噶禮身爲大
臣任意貪婪又謀殺親母不忠不孝已極應凌遲處死妻

論校色勒奇幹都斬幹泰發往黑龍江家產人官得旨
噶禮令自盡妻亦從死餘悉依議 九卿等遵

旨議奏凡坊肆一應小說淫詞嚴查禁絕着將板片書籍
一併盡令銷燬違者治罪印刻者杖流市賣者杖徒 五
月命鴻臚寺少卿文志鯨爲廣西正考官編修汪份副之
六月

上諭大學士等曰萬歷年間太監奏庫內積銀二萬兩有
餘應入大內遂盡收養心殿後桐梓埋藏後取用已無有
矣所以者曷常言明代蓄積徒滋太監侵盜耳明代以爭

議河套事曾殺大臣此小事何至殺戮大臣若朕只須一筆帖式一撥什庫事卽定矣又曰條奏官員每以墾田積穀爲言伊等俱不識時務今人民蕃庶食衆田寡山地盡行墾種此外有何應墾之田爲積穀計耶 七月

上自熱河回鑾駐蹕南石槽 先是商人馬維屏等以願領大錢收買小錢送局改鑄叩關

上命內務府同戶部會議戶部尙書趙申喬以收換小錢有司責也商人圖利恐致借端擾民謂其事不可行而郎中羅復晉將准行之議稿送侍郎王原祁廖騰塏画題具

奏不曾送伊面題因疏請罷斥至是迎駕

上問曰爾告退何意申喬奏曰司官藐視無顏居職

上曰凡事有理不可尙氣君子愆忿室慾此事最宜詳思
此一小事司官藐視卽當叅奏何必忿怒且寬則得衆爾
惟苛急不能容人向任巡撫時所叅官員有身自知之而
叅者亦有因人言而叅者果皆實耶卽天地之大德曰生
者非但不殺而已蓋十萬物皆養育而保全之之謂也爾
居官雖清豈可自恃其清而爲矯激之行乎隨將原疏批
發 硃批戶部尙書趙中喬身係大臣此事若斷不可行

理應具疏陳奏乃若無可控告之狀輒欲乞休殊屬不合
着速入部辨事 十二月

諭大學士等曰清官多刻刻則下屬難堪清而寬方爲盡
善朱子云居官人清而不自以爲清乃爲真清又如易云
不家食爲官之人凡所用之物若皆取諸其家其何以濟
故朕于大臣官員每多包容之處不察于細故也人當做
秀才時負笈徒步及登仕版從者數十人乘馬肩輿而行
豈得一一問其所從來耶 是歲人丁戶口二千四百六
十二萬二千五百二十四又永不加賦滋生人丁十一萬

九千二十二田地山場畦地六百九十五萬七百六十四
頃九十畝有奇征銀二千九百八十九萬三千二百六十
二兩五錢有奇米豆麥六百八十三萬一千六百六十六
石有奇草四百四萬六千二百七十四束茶三十四萬一
千四百二十四引行鹽五百九萬九千八百五引征課銀
三百七十四萬一千一百二十四兩零鑄錢三萬八千六
百五十五萬九千九百有奇

康熙五十四年四月甘肅提督師懿德疏報二月初四日
哈密孔薩克達爾漢白克額敏咨言厄魯特策妄阿拉布

遣兵至其北境侵掠五寨三月二十五日抵哈密城下
臣檄總兵路振聲兵先赴哈密臣俟出厰馬調到卽親身
往救得

旨發西安滿兵三千令將軍席柱與副都統一員帶領總
督標下營兵二千令副將軍帶領甘肅提督亦令帶領標
下兵星速救應西安將軍親往不便又令大臣管轄著吏
部尙書富寧安前往與將軍席柱等公同商酌而行法臚
著隨去祁里德著授爲散秩大臣前往推河 殿試新選
庶吉士陳儀等四十五人于暢春園內魏協韓從玉以文

理未優仍歸班用 師懿德疏報駐防哈密遊擊潘至善

筆帖式常保住等于三月二十六日率領官兵二百餘人
同哈密白克額敏擊敗策妄阿拉布坦兵二千于哈密
授一甲進士徐陶璋爲修撰繆日藻傅玉露爲編修

調右衛察哈爾歸化城黑龍江索倫打虎兒喀喇沁鄂爾
多斯兵往推河地方駐劄令將軍伯費揚古帥領調遣
上諭翰林院今科進士特加閱取李文銳張應造吳應楨
汪中柱蔡衍誥陳儀李錦李克敬梅穀成胡彥穎懷澗申
陳邦直楊超曾曹友夏湯使李鳳岐張鳴鈞楊克茂朱瑄

張麟田趙城成文凌如煥侯度李天寵裘漣江濟楊鳳岡
栗爾璋德齡閻陂寶啟瑛宋懷金沈竹薩綸錫吳傳觀蔣
林陳世任翼棟徐學炳高荀喬潘淳德新等四十四人俱
改爲庶吉士 總兵路振聲報臣領兵于本月十二日至
額爾特木爾去哈密百二十里策妄阿拉布坦聞信于初
七日遁去 江寧巡撫張伯行劾奏布政使牟欽元以交
通海賊之上海縣人張令濤爲幕友奉 旨革欽元職下
兩江總督赫壽察審赫壽以搜捕弗获且海中無賊并無
所爲交通入奏

詔尙書張鵬翮同副都御史阿錫鼎往勘尋覆奏張伯行
虛捏誣陷請革職質訊從之 五月命左都御史兼翰林
院掌院學士揆叙吏部左侍郎兼翰林院學士湯右曾教
習庶吉士 遣使由喀爾喀哈密爾路賞勅往諭策妄阿
拉布坦

大學士九卿等遵

旨議奏前遣西安滿洲綠旗兵五千已各遣一千駐噶斯
口扼要處由哈密進發之兵稍覺單弱應撥甘肅兵三千
涼州固原寧夏兵各二千付寧夏席柱統領

旨固原寧夏兵著董大成吳坤率領前進甘涼兵著師懿
德率領前進 六月大學士李光地疏言臣前以落毒發
體乞休奉諭以內閣老臣彫零令臣勉加調攝藥餌食物
賜資頻仍枯株敗枿復得更生

萬壽節後臣復申前請又因垂念理學緒微經書說雜特
加刪輯以惠萬世

御纂朱子全書繼以羣經性理諸編皆煩

聖心裁定臣所承修係易經性理猥以淺劣末學二三年
間荷

皇上殷勤指誨字酌句斟縷析毫分每一經校正能使愚
蒙頓開臣上幸先聖前賢之復光下喜暮年餘生之有覺
是以黽勉從事忘疾病之在身知其有重于區區之軀命
者而不敢自愛也今稟承筆削二書將次告成俯念臣年
七十有四古人懸車於數已過而且痼疾纏綿奏對多失
儀節聖主哀矜往往令人扶掖而臣何敢自安乎又臣父
歿于閩亂之時遂封淺土臣母之歿因臣在京守制久未
合祔十餘年來臣長子臣妻臣媳相繼淪喪臣孫幼小未
能襄事臣以草霜風燭之齡前期不能自料誠恐臣身已

極于寵耀而泉下未逮夫哀榮烏犢私情難免悽惻故敢
瀆懇允臣休致庶微臣得遵止足之戒而稍盡骨肉之恩
伏念人生所難值者太平之世所難逢者堯舜之君身受
特達之知心迹無間日聆至精之論道法親承則千百年
來未有如臣之幸者臣聞父老扶杖以觀化葵藿頃葉以
向陽臣之遭時如此受恩如此其樂觀熙皞而傾心聖明
曾是野人園花之不如于抱誠結戀雖夢寐不敢忘
君實不獲已而引年求退伏乞

聖主哀而諒之得 旨給假二年事完仍來京辦事 大

臣議覆西安將軍席柱尙書富寧安疏言大軍現駐甘肅

喂養馬匹應令席柱等停其在甘肅喂養馬匹率領兵丁

挨次出白隆吉爾塔爾那泰至巴爾庫爾

今改名巴里坤等處地

方擇水草好處分駐

七月諭議政大臣等近和托輝特

公博貝奏請招撫吳梁海及策妄阿拉布坦所屬厄魯特

杜爾伯特丹津一千戶若抗拒卽行攻取等語此奏甚是

着照所請將根敦扎薩克羅卜藏所屬翁科特兵扎薩克

濟納米達兵扎薩克台吉阿里雅兵添給聽候調遣

路

振聲言奉部文令臣移駐哈密城復托河齊哲克等處查

此地卽哈密第三堡西北之沙泉其地濕熱馬難肥壯
沙泉西北九十里有山名爲無克克嶺其山下卽已爾
庫爾地方請移營于此要路註北從之 大臣議奏屯田
事據右衛將軍伯宗室費揚古詢得蘇勒圖哈拉烏蘇拜
達拉克河明愛察罕格爾庫爾音勒扎布罕河察罕搜爾
布拉罕口烏蘭古木等處俱可耕種再臣等現駐扎察罕
扎輝扎布罕河特斯河一帶地方應派善種地之土默特
兵前行耕種應如所請再哈密亦可耕種應行文席柱富
寧安將西吉木布隆吉爾等處勘明具奏奉

書金
卷二十一
臣依議

九月奉

上諭今年既不進兵今甯寧安回肅州料理軍務及續報
事件 仰托鍾時公博貝疏報招撫吳梁海已經歸順
九卿等議覆席柱富寧安言臣等于六月二十九日將甘
肅率兵起程八月十八日至巴爾庫爾東西兩邊各城大
谷地方寬長且水草甚好宜令兵連接立營從茲十月
山西巡撫蘇克濟疏劾太原知府趙鳳詔巧立稅規貪墨
不職受賍三十餘萬兩請革職究擬左都御史趙申喬以
不能教子致鳳詔居官不肖求賜罷斥得 旨朕禮遇大

臣其優自始至終無不期其保全凡官員才守靡不詳察
朕曩巡狩至龍泉關駐蹕之日曾面詢趙鳳詔噶禮居官
何如趙鳳詔奏稱噶禮爲山西第一清廉官朕以趙鳳詔
乃趙申喬之子斷不欺朕因擢噶禮爲江南總督趙鳳詔
又以居官受賄比之婦女失節朕諭噶言雖鄙俚能如此
存心甚佳迨噶禮事敗朕以趙鳳詔居官詢尙書張鵬翮
而張鵬翮言其貪婪近晉撫蘇克濟奏趙鳳詔受賄甚
多今閱趙申喬所奏詞意忿激殊非大臣之體著飭行仍
令在任供職尋命湖廣總督額稜特往勘婪贓情實疏言

枉法受賄例應環首鳳詔爲左都御史趙申喬之子受恩
深重法應加等擬監候斬罪九卿議改立決鳳詔遂伏誅
鑾儀使董大成言臣至噶斯口巡查並無往來人迹噶
斯口三面雪山中有一線水草皆係芻蕘其大路在得布
特里西南走藏西青海西寧大通河半月卽到水固城西
北走柴旦木吐魯番等處乃策妄阿拉布坦出入咽喉要
路 旨董大成已有旨令回肅州到後著勒限來京 左
都御史劉謙及子編修劉自潔以率僕毆傷御史任奕鑾
俱革職 十一月以宋儒范仲淹從祀孔廟從學政余正

健請也 諭刑部翰林何焯朕欽賜以舉人進士伊當終身感激乃生性不識恩義將今時文章比之萬曆末年將伊女兒與允禩撫養又爲潘來之子蜚緣罪應正法姑念其稍能記誦從寬免死著將伊官銜並進士舉人革去在修書處行走 倉場侍郎荆山疏陳漕運倉糧事宜一漕艘至濟寧臨清等處河水淺阻請交山東撫臣派司道督催出境一水次兌糧向有樣米及船到起卸迥不相符皆運丁偷米攙糠所致請令該糧道將各倉兌米一袋鈴封到淮漕督折驗加封底通日臣等率坐糧廳對驗起卸一

糟糧掛欠例將弁丁畱通勒限賠補逾限不完者發回本省陸續追取搭運甚為繁滯請卽于本年發回令速賠補一京通版座號房多坍或以席囤收米何堪久貯請派滿漢堂官各一員揀選賢能司官料估修造限內倒塌原辦賠修九卿會議如所請行